

小檀藥室彙刻閨秀詞

714.3
52816
25

學家上卷制解卷一

學

閨秀詞鈔卷九目

陳

沅

三首

顧

媚

三首

寇

湄

二首

柳

是

二首

沙宛在

一首

張阿錢

二首

顧信芳

十三首

彭孫婧

三首

鮑芳禱

三首

李長宜

四首

申

蕙

五首

程荻娥

二首

劉□□

一首

沈友琴

二首

沈御月

一首

趙家璧

四首

張

昊

二首

王

睿

二首

王

璋

三首

王虞鳳

四首

李玉照

四首

蔣

啖

三首

李端生

二首

許傳嫻

二首

顏□□

二首

冒德娟

六首

范毓秀

四首

汪韞石

一首

王蘭佩

一首

陳

豔

一首

顧靜和

二首

佚

姓

一首

姑蘇女子

一首

故蘓文平

一首

王蘭鳳

一首

刺

繼

一首

妙

拔

蕭口口

一首

冒

蕭

一首

李王照

一首

蕭

繼

一首

張昊

一首

王

睿

一首

樓口口

一首

武

文

一首

鮑芳齡

一首

李

昇

一首

必旅

一首

張

同

一首

刺

一首

張

同

一首

國英隨筆

閨秀詞鈔卷第九

南陵徐乃昌譔錄

陳沅

沅字圓圓一字畹芬武進人有舞餘詞

眾香詞小傳圓圓初為女優名擅吳中與某公子有生死盟田皇親購得之公子遣盜劫之江中誤載他姬以還盜再往已有備矣力戰易歸已而事露禍且不測公子度不能爭遂以獻既至無寵雜配梨園中三桂以父蔭入覲皇親出家伎侑觴一見陳沅問鄉里遂屬意焉酒半則供奉者已易人矣蓋家伎有上次兩班初出供客猶其次也三桂頻問陳沅皇親知其意輒送旅中時邊報日急三桂一宿馳去既而流賊陷京師陳沅已為賊部權將軍某所得三桂入關首遣親騎四出懸重賞購歸龍之並嫡宮中呼陳娘娘壬子以前時達官解餉至滇官本吳人娘娘召見便殿問吳中某某無恙乎皆平昔所交厚者蓋猶未忘情也太倉吳梅村祭酒有圓

小檀藥室

圓曲紀其事未
 婦人集圓圓色藝擅一時如臯昌先生常言婦
 人以姿致為主色次之碌碌雙鬟難其選也蕙
 心執質澹秀天然生平所見惟圓圓一人耳
 昌襄注家伯兄有贈晚芬絕句瀟湘一幅小庭
 收菡萏香餘暮色幽細細白雲生枕簟夢圓吟
 夜不知秋秋水波迴春月姿淡然遠岫學雙眉
 清微妙氣輕噓吸谷裏幽蘭獨許知
 吳仰賢小匏菴詩集陳圓圓於吳逆死衡陽卽
 遁蹟為尼滇城外瓦村尼菴尚存小影二一少
 年靚裝一足裝兵燹俱歸羽化矣因志一絕讀
 罷梅花曲吳宮草不春畫圖已零落何況畫中

荷葉杯

有所思

見眾香詞

自笑愁多歡少癡了底事倩傳杯酒一巡時腸九廻推

不開推不開

轉應曲 送人南還

南刻翁氏昌點綴

隄柳隄柳不繫東行馬首空餘千縷秋霜凝淚思君斷
腸腸斷腸斷又聽催歸聲喚

醜奴兒令

梅花

滿溪綠漲春將去馬踏星沙雨打梨花又有香風透碧
紗聲聲羌笛吹楊柳月映官衙懶賦梅花簾裏人兒
學喚茶

顧媚

媚又名眉字眉生號橫波上元人合肥龔鼎孳

副室有柳花閣集

衆香詞眉生莊妍靚雅風度超羣通文史善畫
蘭家有眉樓綺窗繡簾牙籤玉軸瑤琴錦瑟寶
鼎博山羅列左右歸合肥龔尚書芝麓尚書豪
雄蓋代視金玉如泥沙得眉娘佐之益輕財好

客憐才下士名譽盛於往時客有求尚書詩文
及乞畫蘭者畫欸所書橫波夫人是也
婦人集顧夫人識局朗拔尤擅畫蕙蘭蕭散落
拓畦徑都絕固當是神情所寄
徐鉉南州草堂詞話龔芝麓尚書與橫波夫人
月夜汎舟西湖作醜奴兒令四闋自序云五月
十四夜湖風酣暢月明如洗繁星盡斂天水一
碧偕內人繫艇子於寓樓下剝菱煮茱小飲達
曙人聲既絕樓臺燈火周視悄然惟四山蒼翠
時時滴入杯底千百年西湖情恬因口占四調
徘徊顧戀不謂人世也酒語情恬因口占四調
以紀其事子瞻云何地無月但少閒人如吾兩
人予則謂何地無閒人無事尋事如吾兩人者
未易多得爾詞云一湖風漾當樓月涼滿人間
我與青山冷澹相看等閒藕花社榜疎狂約
綠酒朱顏放進嬋娟今夜紗窗可忍關又云木
蘭掀蕩波光碎人是乘潮何處吹簫輕逐流螢
度畫橋白鷗睡熟金鈴悄好是蕭條多謝雙高
折簡明宵不用招又云情癡每與銀蟾約見了
銷魂爾許溫存領受姮娥一笑恩戲拈梅子橫
波打越樣心疼和月須吞省得濃香不閉門又
云清輝依約雲鬟綠水作菱花蘇小天斜不見

留人駐晚車湖山符牒誰能管讓與天涯如此
豪華除卻芳樽一味賒樓高竊南

閨秀正始續集橫波工畫蘭竹龔尙書以爲亞
妻改姓陳其元配童氏在前明受孺人封尙書

仕國朝當得封典童氏高尚不入京日我已
受前朝封今讓顧氏可也橫波遂得受封一品

夫人

畫徵錄眉生工墨蘭獨出己意不襲前人法眉

生本金陵伎女芝麓納爲妾後改徐氏故世又

稱徐夫人云

朱錫鬯題顧夫人畫蘭云眉樓人去筆牀空往

事西州說謝公猶有秦淮芳草色輕綉勻染夕

陽紅韻駐鈔陽齋識

彭孫逖題顧眉生畫蘭冊無復當年弄墨辰斷

統影裏認前塵青溪畫閣秋如水寫出芳蘭竟

體人

厲鶚小桃紅題橫波夫人畫蘭扇秦淮不見翠

雙顰摺扇香痕潤往事眉樓有誰問墨花春靈

均舊怨都銷盡南朝艷粉才人風韻題詠到湘

羣珀姓龔餘韻懽懽健懽羣

見衆香詞

花深深

閨怨

四

三

小檀樂室

花飄零簾前暮雨風聲聲風聲聲不知儂恨強要儂聽
粧臺獨坐傷離情愁容夜夜羞銀燈羞銀燈腰肢瘦
損影亦伶仃

虞美人

答遠山李夫人寄夢

春明一別魚書悄紅淚沾襟小卻憐好夢渡江來正是
離人無那倚粧臺朱闌碧樹江南路心事都如霧幾
時載月向秦淮收拾詩囊畫軸稱心懷

千秋歲

送遠山李夫人南歸

幾般離索只有今番惡塞柳淒

三字應平仄仄宮懷落後段事已休同

月明芳草路人去眞珠閣問何日衣香釵影同綃幕

曾尋寒食約

句應仄仄平平仄

每共花前酌事已休情如昨半

船紅燭冷一棹青山泊憑任取長安裘馬爭輕薄

寇香湄

湄字白門口口人爾同尚想日水心吸風雲

齊

衆香詞白門娟娟靜美跌蕩風流能度曲善畫

蘭粗知拈韻吟詩詞然滑易不能竟學十八九

時爲保國公購之貯以金屋如李掌武之謝秋

娘也甲申三月京師陷保國生降家日沒入奚

官白門以千金子保國購身逃匹馬短衣從衆

婢南歸歸爲女俠築園亭結賓客日與文人騷

客相往還酒酣以往或歌或笑亦自嘆美人之

遲暮嗟紅豆之飄零也既從揚州某孝廉不得

志復還金陵老矣猶日與諸少年伍臥病時召

所歡韓生來綢繆悲泣欲留之偶寢韓生以他

故辭猶執手不忍別至夜聞生在婢房笑語奮

身起喚婢自箠數十咄咄罵生負心禽獸行欲

嚙其肉病愈劇醫藥罔效遂以死虞山金陵雜

題有云叢殘紅粉念君恩女俠誰知寇白門黃

土蓋棺心未死香光一縷是芳魂

玉臺畫史沈春澤寒夜醉後看寇五姬畫蘭詩

小檀樂室

畫亦常事疑信何參差昨宵水閣中酒深燈短
時看子停銀觥支頤如有思開筵澣香豪墨花
生幾枝纖指過寒箋殘墨成冰漸綴以竹石情
洗卻兒女姿此時衆信堅吾復轉疑之安得手
與心出奇能若斯相顧各歎息歌子明月詩

蝶戀花

見衆香詞

眉淡衫輕春思亂不怪無情翻受多情絆怕上層樓凝
望眼落花飛絮終朝見釵鳳暗敲雙股斷劃損雕闌
一一相思遍香裊獸爐空作篆荼蘼開謝閒庭院

齊天樂

夏日

畫樓高處蟬嘶柳幾曲危欄同倚映日水心迎風雪態
清徹香肌無暑南窗雨洗乍雲隱輕雷晚涼如水扇引
合歡斜侵明月枕初欹閒庭起來攜手漸黃昏院落

明河低墜浴罷粧殘釵偏髻墮雨點春山餘翠輕綃卸
體怕一搗烟輕不禁清吹簾展湘紋別有一腔秋思

柳是

是字如是一字蘼蕪號我聞居士嘉興人虞山

錢宗伯謙益室

鈕秀觚贖如是本吳江名妓徐佛弟子姓楊名
愛柳其寓姓也豐姿逸麗翩若驚鴻性敏慧賦
詩輒工尤長近體作書得虞褚法年二十餘歸

虞山錢宗伯而河東君之名始著

婦人集人目河東君風流放誕是永豐坊底物

冒衰注河東君錢尚書姬人尚書策我聞室以

居之常於鴛湖舟中作百韻以贈柳中有句云

河東論氏族天上問星躔漢殿三眠貴吳宮萬

縷連瑤光朝孕碧玉氣又生元又云纖腰宜蹴

踣弱骨稱鞦韆天爲投壺笑人從爭博顛又云

凝眸喚亦好溶漾坐生憐薄病如中酒輕寒未

折綿清愁長約畧微笑與遷延君之風神才藝

概可見矣

西泠閨詠如是名是亦名隱又名因本姓楊名
愛字影憐一字蕨蕪晚歸虞山錢宗伯稱河東
君宗伯與爲西湖之遊刻東山倡和集顧苓撰
河東君傳徐芳撰柳夫人小傳陳其年婦人集
徐鉉本事詩三岡識畧觚賸蓮坡詩話柳南隨
筆皆載之甲申以後嘗勸宗伯殉國難晚殉宗
伯家難世多賢之墓在虞山耦耕堂故址迷失
久矣余宰琴河訪得修之且樹碣焉桃花得氣
美人中如是西湖句也

金明池

寒柳

見詞綜

有恨寒潮無情殘照正是蕭蕭南浦更吹起霜條孤影
還記得舊時飛絮況晚來烟浪迷離見行客特地瘦腰
如舞總一種淒涼十分憔悴尙有燕臺佳句 春日釀
成秋日雨念疇昔風流暗傷如許縱饒有繞隄畫舫冷
落盡水雲猶故念從前一點春風幾隔着重簾眉兒愁

苦待約箇梅魂黃昏月澹與伊深憐低語

滿庭芳

留別無瑕詞史

見湯漱玉玉臺畫史

紫燕翻風青梅帶雨共尋芳草唬痕明知此會不得久
殷勤約畧別離時候綠楊外多少消魂重提起淚盈紅
袖未說兩三分紛紛從去後瘦憎玉鏡寬損羅袂念
飄零何處烟水相聞欲夢故人憔悴依稀只隔楚山雲
無非是怨花傷柳一樣怕黃昏

沙苑在

宛在字嫩兒自號桃花女郎上元人有蝶香詞

珊瑚網宛在名彩姝擅臨蘭亭

露書宛在字未央桃葉妓善弦管

正始集宛在與姊游蘇臺居半塘人皆以二趙
二喬目之尋自悔風塵委身一士誤遇叱利鬱

鬱而死

醉花陰

見玉瓊集

翡翠樓頭風幾陣
斷送殘紅盡
薄暮掩羅幃
睡鴨香寒
冷卻沉檀印
夢回寶枕垂雲鬢
愁壓蛾彎
損窗外雨
聲疎響入芭蕉
又是黃梅信

張阿錢

阿錢字曼殊河間人蕭山翰林毛大可副室

眾香詞曼殊幼聰慧酷好詩詞落筆無脂粉習
氣性佞佛多病嘗夢奶奶喚之去奶奶者北人
呼觀音通稱也北人每發願捨身以他兒代之
有替僧替尼之例阿錢仿其意餘偶人塑已像
被以衣手捧一花侍奶奶傍以待之臨行自作
詩送之曰一病纏綿不肯休捧心日日在牀頭
可憐阿母來相喚欲別東君恐淚流又曰百計
延醫病轉深誓歸阿母案傍身此身久已魂離

穀莫道含顰又一人臨歿寫照名留視圖伏枕
函自題詩曰爲送還家去雙螺綰百環且將粧
鏡影留視在人間

減字木蘭花

寄姊

見衆香詞

離懷難訴手摘蓮花心自苦別恨還多長日無心畫翠
蛾綺窗自省蝴蝶翩跹交撲影寄語閨粧不獨薰風
斷我腸

菩薩蠻

冬閨

酸風冷坑催人起六花亂撒香閨裏陣陣打房簷愁心
不敢嫌臨粧呵素手梅蘂還依舊插向鬢邊斜丰姿
爭似他

顧信芳